



Podij druheje Serbskeje debaty „Serbska kubłanska awtonomija – abo dale kaž dotal?“ wčera w Chrósćicach: Nawodnica Serbskeje wyšjeje šule „Michał Hórnik“ Worklecy Diana Šoćina, Madlenka Šoćić, moderatorka Milenka Rječcyna, člon Serbskeho sejma dr. Měrćin Krawc a městopředsyda SŠT Jan Rjeda (wotlěwa).  
Foto: Feliks Haza

# Wjace zamołwitosće přewzać

## Serbska debata w Chrósćicach přenje puće z kubłanskeje mizery zwobrazniła

Chrósćicy (SN/at). Poselstwo druheje Serbskeje debaty wčera wječor w Chróšćanskej „Jednoće“ je wšelake tam předstajene pozicije zwjedło: Serbjja dyrbjja wjace zamołwitosće za swoje šulstwo přewzać. Zhromadne zarjadowanje Krajneje centrale za politiske kublanje Sakskeje, redakcije Serbskich Nowin a Załožby za serbski lud moderěrowaše redaktorka našeho wječornika Milenka Rječcyna. Wona je z Dianu Šoćinej, nawodnicu Serbskeje wyšjeje šule „Michał Hórnik“ Worklecy, Madlenku Šoćić, kotraž je swoje dźěći dźesać lět z Budyšina do zakładneje šule do Chrósćic wozyla, dr. Měrćinom Krawcom, čonom Serbskeho sejma a jeho kubłanskeho wuběrka, a Janom Rjeda, městopředsydu Serbskeho šulskeho towarstwa a wučerjom na Ralbičanskej serbskej wyšej šuli, temu „Serbska kubłanska awtonomija – abo dale kaž dotal?“ na podiju rozjimała. Diskusiju dožiwi nimale 80 ludži na žurli. Mjez nimi je direktor krajneje centrale, dr. Roland Löffler, zapósłanca Sakskeho

krajneho sejma Alojsa Mikławška a předsydu Domowiny Dawida Statnika witał. Wjace hač 40 zajimowanych sčehowaše debatu w livestreamje.

Na spočatku wuprajena njespokojnosť, zo ani zastupjer kultusoweho ministerstwa ani zastupjerka LaSuB přeprašnje sčehowałoj nještaj, hodžeše so w běhu wječora jako namołwu interpretować: Starajće so sami! Tomu diskutanća na podiju, ze žurle a livestreama wotpowědowachu. Móžna kubłanska awtonomija wopokaza so jako nadrjadowany zaměr. Najprjedy pak su praktiske kroki trěbne, zo bychu Serbjja rумы wobstejacych statnych rjadowanjow za swoje cile wužiwali. Šulska nawodnica Diana Šoćina mjenowaše projekt „Kraj kublanja Sakska 2030“, hdžež so jeje kubłanišćo sobu angažuje. Městopředsyda Jan Rjeda skedźbnja na wosom „politiskich žadanjow za serbske šulstwo w Sakskej“ SŠT, wuzběhnywši wosebity status šulow nastupajo personalny kluč a dźělak za rjadownje. Hdyž dosć wučerjow njeje, ma

so transport šulerjow do serbskich šulow organizować, wón podšmórny.

„Mý Serbjja swoje problemy přewzać barbimy“, předsyda Rady za serbske naležnosće Sakskeje, Marko Suchy, kritizowaše w zwisku z knježerstwowymi rozprawami wo položenju serbskeho luda. Tuž zapósłancy wo wobstejacych starosćach ničo njezhonja. Špatny rěčny niwow wuknjacych na Serbskim gymnaziju nastupajo zwěsći Madlenka Šoćić: „Naš system njefunguje.“ Dr. Cordula Ratajczakowa nima zrozumjenje, zo wjednistwo Serbskeho gymnazija „nikoho nuzować njemóže“ na kubłanišću serbować. Wo „stawje, kiž njebych sej prał“, rjekny k tomu gymnaziast Filip Budar.

Mjez diskutowacymi ani na podiju ani z publikuma polemiki njebě. Wočiwidnje je wšěm wažne mocy wjazać, zo bychu cyły serbski sydlenki rum zaprijeli. Z kónčin kaž z Hodźija ma 80 000 z wotpotheadanych sto tysac serbskich noworěčnikow hač do lěta 2100 přinć, wuwědomi dr. Měrćin Krawc jich wuznam. ► **Přilopk**